

新刻羣音類選

新刻羣音類選卷九

虎林 胡氏 文會堂 校選

金釧記

小桃賣花

駐馬聽香裊晴空，細語噴檀，訴始衷。自愧娼家生長，墮在風塵，惡少相逢，況幼年情意未能通。朝雲暮雨，難成燕，禱告蒼穹。早求賢士，終始和諧，鸞鳳。

駐雲飛嫩白嬌紅，收拾春光，筐篚中。關勝花名重，蝶幸花心動。僕走轉曲闌東，佳人簇擁，笑買奇花，補插鬢雲空。你看釵畔丁香，顰玉容，手捻梨花襯玉容。前

腔猛幕重重我深護奇花一點紅未許人持弄不引
蜂蝶哄紅願插膽屏中書齋清供不肯身宛泥樓竝
口歸納寵却不道昨日花開也是風今日花開也是
風前腔春去匆匆只恐花無百日紅戀範殘枝動遺
拾餘香鬢空埋怨五更風公然斷送不受蝶恨鶯愁
打破繁華夢一片西飛一片東九十春光一旦空

鬪草拾釧

石榴花東風臺榭春景十分佳紅間綠葉攢花陰深
處所美無評怪鶯鶯賣弄韶華聽聲聲口誇把春纖
戲摘青梅打令為藥欄步轉金蓮牡丹臺挑損紅芳

前腔香堦坐下裙摺皺輕紗閑闌草勝爭誇風枝露
葉手空拏笑薰倚玉樹蒹葭醜和妍怎遮我東施不
及你西施訝合前前腔名園如畫知是武侯家忙進
步散嬌娃闌干十二遶奇花草叢中何物光華似盤
旋小蛇却原來是金釧誰遺下我得之自覺懽忻他
失之聲自咨嗟前腔失金心恐情興更無些尋寶釧
撥殘花只愁打草反驚蛇那嬌娥心亂如麻枉猜疑
我拏倍償同把金釵卸他得之未足懽忻我陪之何
足吁嗟

桃李償釧

三郎神寒食後嘆九十春光半已休看滿樹榮枯消
息漏昨猶窈窕忽見朝來呈醜總屬東風恩與仇可
惱他沾恩未久梅花瘦怎生禁得三通笛弄江樓前
腔堆留風吹雨打紅衰白皺惜錦帳驂騑香亂柔笙
歌寂靜閒安酒散交遊人面桃花流於舊日愁對殘
英懶開笑口愁波溜忍教醒眼兒嘆納數偶集賢賓
梨花帶雨珠淚流看春事都休羅帕薰香人病酒繡
簾垂閑控金鈎深閨俛首不忍見沾泥逐臭乞教偶
何錯做三更風驟前腔紅顏可惜成老醜甘逐出牆
頭回首家鄉如故垵軟遊絲牽愛相留低昂意投笑

東君肯輕分手，偏看圓羞殺那棟花顏厚。黃鶯兒暴
露情誰收。土侵膚，爲俺羞。紫荒坵誰與相扶走。浣涎
涕流，鷄聲哽喉。聽那薤地蚯蚓空昏後。滾香毬，楊花
結白斷。送粉骷髏。前腔一拜別墳頭。似香肌墮翠樓。
昭君碎淚，濕紅袖。琵琶勝搗鞦韆架。收紅顏命薄君
知否。謾追遊。西施知國湖海泛扁舟。猶兒墜三千怨
女，齊救出冤囚。律律東風如有求。免教題怨出銅溝。
春晝滿地零落胭脂。院宇清幽。前腔八千兵散江上
楚天秋。明月下。虞姬刀青首。英雄血淚洒荒坵。綢繆
幸見那曾拾香泥。納寵秦樓。尾聲及時攀折香生臭。

轉眼又綠陰時候腸斷容顏爲白頭

賣花荐妓

步步嬌桃花亂落如紅雨無計留春住猶幸有荼蘼
玉纖試折嫌多刺生意在花枝願教青帝常爲主前
腔高堂回首惟慈母兩地縈腸肚空山啼鷓鴣形影
蕭條情懷淒楚迢迢千里到燕都教人跋涉多勞苦
前腔洛陽聞道花如綺偏我春難遇春去已多時鶯
慵蝶懶無情緒羞殺賣花兒無言挑過空籃去

皂羅袍一入黃公酒舍羨醉鄉深處其樂無涯杯浮
琥珀賽流霞胸中渣滓都融化合出門十里不如在

家出門一里何須戀家黃金滿袖乾坤大前腔門外
青旂高掛似點頭招颺酒許來賒對盃嗔飲勝吳娃
聞香使我停車馬合神仙沽飲玉佩可誇公卿買醉
金龜解下壺天誰識乾坤大前腔對客欲攀清話壺
觴對酌啜甚清茶槽邊莫把濁醪賒杖頭先把青錢
下合前前腔莫笑酒家污下論相如曾託麴蘖生涯
蓮花白清玉無瑕珍珠紅滴春無價合前

排歌一咲生春千金肯揮芳卿名重京師芙蓉如面
柳如眉相見留情思欲飛談佳色費苦思分文畫餅
欲充饑涎流口熱撫脾何時止渴強思梅前腔玉洞

仙桃青樓美姬含芳如待相知從魚指點過清溪引
入劉郎慰所思情無極春已歸折花須趁少年時歌
金縷舞柳枝人生快活是便宜

易姓嫖院

山花子 天仙露濕桃花貌何年謫下丹霄似塵埃宿
緣未消裴航再合藍橋合絳紗中銀燈影搖倪爐火
煖香篆飄繁絃急管調轉高翠袖殷勤盃奉瓊瑤前
腔才郎蕭史誇年少妾非歌舞多嬌鳳凰臺同吹紫
蕭承願心箕箒甘操合前神伏兒花心付抱鸞顛鳳
倒似涸魚踴躍波濤意綢繆如漆似膠猩紅識拭鮫

鮎前腔天台縹緲劉郎遊到堪容謾摘仙桃鳳和鳳
嬌姿未遭叮嚀你重妖嬈紅繡鞋鯢流指撥檀槽檀
槽鶯喧聲徹雲霄雲霄歌協調板輕敲番彩袖舞纖
腰人醉後月兒高人醉後月兒高前腔金盤重進佳
餞佳餞玉壺再換香醪香醪杯滿勸浣青袍顚頰暈
上紅潮人醉後月兒高人醉後月兒高尾聲青歌妙
舞開歡笑不覺玉山頽倒看看月轉花稍

金貂記

仁貴私宴

梁州序海棠如醉碧桃將暖風弄珠簾高捲羅衣初

試朝來尚有餘寒，只見千飛燕，燕橫語鶯鶯來往，驚
人眼。但將松與栢，比椿萱，只恐花飛又一年。
合香徑裏，雕欄畔，綺羅富貴誇仙苑。時序好，可留連。
前腔滿庭紅紫，揭天歌管，玉瓚黃流頻勸。珍羞堆疊，金猊噴
麝，龍涎自有高歌金縷。笑舞霓裳對此堪消遣。人生
得意也，荷皇宣。願得常瞻豐稔年。
合前前腔西郊外，陣馬爭先，畫堂中，笙歌聲遠。且相携素手，採香踏遍。
最喜淡煙籠柳，遲日催花，正好同遊衍。酒酣人笑語，
戲鞦韆，美女妖嬈更少年。
合前前腔花底霧蛺蝶，偷殘草間煙杜鵑，飛散看無邊光景，已歸一半。正值青

梅如豆、綠草如茵、零落餘紅瓣、池中鴛對對、浴清泉、
觸目繁華似去年、合前生、菱華、身如閨苑仙、在花前、
紅圓翠、遶令人羨、深庭院、半日閒、同歡宴、人生容易、
朱顏變、良宵一刻千金換、合逢時、遇景、且高歌、勸君、
休吝錢、十萬、箭腔、蘭漿、須飲、乾、謾盤桓、猛拚、沉醉、扶、
歸院、精神健、興未闌、天將晚、看看玉鏡、升霄漢、迢迢、
玉漏催、更箭、合前尾聲、西園夜飲、休辭倦、歡娛、久、絳、
蠟、自燃、整備、看鳳枕、鸞衾、醉後眠、

皇叔郊遊

空春令春將暮、景正芳、草鋪茵、風和書、長天機、雲錦、

悄如圖畫添情況何勝數金谷園林渾只訝洛陽陌
巷合起此良辰美景且宜遊賞前腔黃金嫩白雪香
鳥啼春時當艷陽柳堤花塢遊人如蟻頻來往粉牆
內士女鞦韆杏林中酒旗飄颺合前

鄂公慶壽

錦堂月合壽祝蟠桃籌添海屋欣逢荏苒花朝綠嫩紅
芳滿庭瑞芝瑤草惟願取臺省嚴親可比那嵩山元老
合開懷抱且酌彼金罍大家歡笑前腔傾倒酒泛葡
萄筵開玳瑁華堂會集時髦繡褥銀屏珠翠兩行圍
遶祝眉壽鸞寄雲箋映酒卮花簪烏帽合前前腔

卷華髮蕭蕭、丹心耿耿、身安謝天相。保美爾功高、威
鎮四海中朝。今故舊稱筭綿長、如洗隨遐齡不少。合
前腔尤妙。晚景逍遙、丰神異彩、德類傳伊周召。玉
帶金魚占斷、世間榮耀。願福壽山海齊年、與松柏歲
寒同操。合前醉翁子。懊惱嘆綠鬢朱顏漸槁。愧老朽
庸才、怎勝廊廟。不道渭水飛熊、八十纔能佐聖朝。合齊
祝禱。願龜齡綿遠、鶴筭彌高。前腔甘老消、永日寬心
咲傲。願年年此日、共祈壽考。吾曹滿飲淋漓、樂極忘
疲興愈豪。合前僥僥令。仙童歌未了。仙釀飲徐饒。但
見仙庖供異饌。仙樂奏簫韶。檀板歌。前腔水輪離海

羣芳譜選卷九
嶠珠斗列雲霄、玉漏遲遲人欲散、金鼎麝煙消、燭影搖、

餞居田里

新水令想我功高姜尚立皇基、功高姜尚立皇基、捨殘生、攻城掠地、秉丹心、能貫日、仗義膽、以塗赤、到今日、化作寒灰、化作寒灰、伴君王、似虎狼、作隊、步步嬌、手捧金盃、浮綠蟻、餞別長亭裡、匆匆話別離、管鮑情分、使人流涕、良友各天涯、怎能勾、范張鷄黍、重相會、折桂令爲只爲免死狐悲、一封朝奏、違忤讒逆、雖然他夕、貶忠直、消不盡、孟軻豪氣、早不學、急流湧退、省

擔些投閣灾危。俺如今甘老林泉。願得逆黨消除。民
安樂。聖主垂衣。(江兒水)恩德如山重。只自知銘心刻
骨難忘棄。為家尊負屈多連累。相逢難得相離易。珍
重有書難寄。更盡一盃。聊叙陽關別意。鴈兒落。難消
受。禮慙慙。祖道的鳳凰杯。搵不住。唱驪駒。難分手的。
英雄淚。拜辭了有道的聖明君。撇不下刎頸的金蘭契。
牽衣袂。訴衷曲。恨時手。遭狼狽。慨聚散。各有時。嘆浮
沉。渾無計。想當日。更不想榆窠里打圍時。追至也。俺
今日悔之遲。(僥僥令)無心雲出岫。知倦鳥還飛。戀戀
綈袍膠投漆。兩難辭。在歧路側。(收江南)呀。早知道恩

義變為仇呵誰待要惡相持到做了滿船空載月明
歸痛英雄含冤受慘悽好教人牽繫好教人牽繫便
似孔子慟顏回園林好出皇州徘徊路岐向林泉撇
却是非却不道在家從父怎憚得路崎嶇怎憚得路
崎嶇沽美酒羊腸的路崎嶇蹣蹣的馬駝駝空谷傳
聲車啞吶古林深野鳥啼遠山橫洞雲迷見漁翁獨
釣清溪誰待要貪名冒利那裏有流離顛沛我呵須
索要粧呆做痴安樂是便宜呀唉殺那奔波塵世尾
聲重重疊疊山蒼翠曲灣灣急流湧退再不入虎穴
龍池

退保陽城

普天樂整封疆、趨邊境、統王師、離鄉井、須當要、須當
要、破竹先聲、笑談間、席捲羶羶、合呀、看旌旗蕩影、金
戈晃日、明戰馬征車碾起、碾起沙塞黃塵、北朝天子
俺家兒在西、那馬兒不離、使鎗刀弓箭為生計、齊齊
打哄、且歌舞一回、擁貂裘在窮廬內、獐麋兒又肥、打
辣酥兒好吃、勿辣赤辣赤、勿辣赤、把琵琶操彈一曲、操彈一曲
醉了呵、勦勦睡、醉了呵、勦勦睡、普天樂趨長途、登高
嶺、過竹林、穿松徑、怎辭得、怎辭得、露宿霜征、向迢迢
萬里邊城、合前北朝天子長官每做一屯、把都每分幾羣、

牽駕着獵犬和鷹隼來來往往駭狐兔亂奔鳥雀兒
飛成陣發一矢入雲射雙鵬落茵撒撒銀撒銀撒撒
銀咲呵呵成團打滾成團打滾真快活無愁悶真快
活無愁悶（普天樂）須遵守將軍令管繫取單于頸民
無擾民無擾鷄犬不驚長驅進威震夷庭（合前）北朝
天子衝鋒將一似熊巴山馬一似龍身披着鐵甲何
愁重威威猛猛挽烏號也麼弓把叭嚙兒胡笳弄着
皂貂幾重打征鼓幾通撲撲咚撲撲咚論咱每情
性兒好勇性兒好勇取中華貔貅擁取中華貔貅擁

城開疑敵

高陽臺、瀝膽披肝、鋤強勸亂、為臣敢辭匍匐、非禮勿
言、何忍行虧名辱、誠篤心、如鐵石難移、改論明珠、怎
肯混投魚目、縱身於患難之中、豈貪非福、前腔聽覆
良藥、須嘗忠言、逆耳、何必恁般拘束、那弔譽沽名、令
人空喚王蠋、休惑隨機、應變須及早、嘆李陵元自降
伏、管教伊不失封侯、寵教華歆、前腔叨沐列土分茅、
封妻蔭子、食享未忘君祿、怒髮衝冠、丹心誓食胡肉、
衷曲、君恩此生無報、補為厲鬼、羯羶誅戮、笑殺你鴟
鵂、翱翔怎欺鸞鷟、前腔吾國威振山立、氣吞狼虎、人
人弓馬精熟、一指一麾、頓教你啞臍容足、你孤獨身

投羅網休言勇猛張良計應窮促便做了插天鷹隼
怎當落局尾聲靈臺不昧昭如燭假猩猩亂人心曲
報國輸忠吾所欲

得書敗敵

朝元歌天河洗兵鐵柱標名姓主師凱聲羽檄馳鄉
井倚劔崆峒掛弓天嶺為國父忘家慶萬里從征愁
雲深鎖白帝城驃騎不留停壺漿遠送迎登山涉嶺
又早離胡天朔境胡天朔境

忠孝記

欲進諫章

要孩兒微臣忝受言官職當言路鞠躬盡瘁謹將肝
膽向天披犯威顏甘受誅夷生來所學期無負事到
當言敢自欺主聖臣須直一言如達萬死何辭十煞
為王家言國事批龍鱗蹈虎尾也知奇禍隨言至有
天不共奸諛戴無地堪將計策施碎首丹墀底臣心
無悔臣職當為九煞那幸臣媚如狐少兩脚那權臣
威如虎多兩翼欺君誤國滔天罪南山竹罄書難盡
東海波乾臭尚遺臣素與無仇氣臣是平生嫉惡一
念無私八煞要君的長脚奴致冠的藍面鬼蠹國害
民的腹劍子從來慙直人多厭畢竟奸邪帝不知這

豈是人之類恨不口食其肉身寢其皮（七煞）那貓兒
口似蜜那攤卽貌似痴恃權沽寵專蒙蔽他指將野
鹿呼為馬他袖取磨菇喚作芝費盡他機和智只是
要貪名固位假虎張威（六煞）蓄不捕三腳貓養無聲
五眼鷄鳥驚曲木長垂翅蹲池老鳳暗無氣立伏驕
驄噤不嘶上下相朋比將焉用彼更仗乎誰（五煞）陰
霾黃滿天陽驕赤遍地四郊多壘狼煙熾奇祥異瑞
朝朝進駿馬輕車緩緩馳誰更作來朝計真箇是楚
咻齊語管甚麼越瘦秦肥（四煞）一員缺十員需一夫耕
百口食朝更暮改多條例青袍抗節緋袍變黃紙獨

祖白紙催驛舍無停騎、煖天偏凍、豐歲還饑、三煞他
那量天尺是個不釘秤、他那大言牌是箇沒字碑、望
空乳犬聞風吠、重將南去轅、馳北虹出東邊、手指西
都說得無巴臂、個個是隔靴搔癢、反症行醫、二煞臣
非是好名、臣非是愛利、一心為國、無他技、生時願借
誅奸劔、死后期晉進諫屍、盡我人臣義、生分如借、死
分如歸、一煞願君王察邇言、願君王憐鄙志、所言為
國、非私意、當臣瀝膽陳言日、是彼宣拳切齒時、言出
身應歿、若得言行身歿也、無虧尾聲、心心為國謀、言
言切時弊、奏本兒封緘進內裏、俯伏在閣門前、屏營

候勅旨

打牛賣劍

普天樂 水雲鄉。遠蕪徑、鶯和燕、相呼應。寒煙暝、寒煙
暝。芳草無名，遠淒淒、望處關情。合呀。嘆離鄉背井，長
亭共短亭。見水程迢迢，萬里萬里，疊疊山程。朝天子
馬蹀躞。走雲旗，烈烈捲雲急。棚棚鼓打催征陣，齊齊
拍手，叫一聲撒銀笑，呵呵無愁悶。胡笳奏幾聲，琵琶
撥數聲。擇擇棚棚，擇擇棚棚，沒胎咳。醉還未醒，醉還
未醒，怕甚麼。貂裘冷，怕甚麼。貂裘冷，普天樂。竹林幽
山冢靜。苔封徑，蘿穿蹬。停車聽，停車聽。空谷傳聲，憶

當年操調陽春、合前朝天子飽飽嚙禿禿麼、醉醉吃打辣酥、逐蒼惆、走解來沙漠、囉囉辣辣、講胡婦也麼、歌、合乾坤、真快活、舞了舞、歌了歌、又歌、哈哈呵、哈哈哈哈哈、奏凱歌、打得勝鼓、打得勝鼓、打圍歸、多得兔、打圍歸、多得兔、普天樂、楚水殘、巴山靜、蜀道險、秦嶺峻、思鄉處、思鄉處、聽鷓鴣聲、行不上、悶人悲、鳴、合前朝天子十月寒、煙草黃、馬兒肥、弓力強、怕甚麼、孟奔夏育、山東相、山西將、皂雕羽箭、射陰山、雙白狼、賽姜維、心膽壯、共我遊虎狼、同我居草莽、獵敢當獵、敢當獵、獵敢當、俺家兒在馬上生、俺家兒在馬上養、

在馬上養咱種類別一樣咱種類別一樣普天樂落
霞飛鴉歸盡羊腸路無休盡江風靜江風靜占渡舟
橫見平沙鷺宿鷗鳴合前

龍泉記

家庭訓子

黃鶯兒詞翰積如丘要精通須苦求懸頭刺股非虛
謬孔孟與遊賢曾與儔須知道鮑魚一近身隨臭合
莫淹留隆師親友端的是良謀前腔魂夢遶瀛洲奈
朱衣未點頭聲名肯落他人後志吞虎彪氣冲斗牛
大丈夫當及時出展經綸手合前前腔韜略好藏脩

在帷幄當運籌殺妻食子真庸陋伊呂與遊頗牧與
儔且休誇貔貅百萬爭馳驟合前前腔素志在封侯
劔橫秋颺颺愁甲兵十萬胸藏久董帷可收班筆可
投大丈夫當策勲事業垂不朽合前

壽祝椿堂

畫眉序人景似蓬瀛瑞竹蟠桃滿瑶席喜童顏鶴髮
儼然如飾還可愛迭奏埙篪况又是諧和琴瑟合滿
前骨肉非容易莫惜玉壺瓊液前腔家傳舊清白餘
韻流風正洋溢願壽考彌高華峯難敵騎壽星鹿下
蓬萊駕王母鸞從姑射合前前腔春濃子雲宅花映

斑衣倍顏色望靈椿無恙一枝千尺天無私氣轉鴻

鈞家有幸人開壽域合前前腔

傳好消息道福比崗陵壽如松柏聲瀝亮曲按瑤箏

響錯落調番玉拍合前滴溜子

還堪惜還堪惜蒙頭已白想往事俱成塵迹於今

望兩雛養成雲翮看鳳翥鵬搏羽儀邦國鮑老催儒

家富室花磚雨過琉璃碧石堦塵淨瓊瑤白看絲羅

好棠棣芳橋梓碩惟恨萱花老堂北合人生三樂一有

虧每逢樂事翻成戚前腔毋恩罔極杯圈不飲存口

澤來衣舊線存手跡猛然鹿觸心芒在背泚流額欲

避嫌疑淚偷滴合前雙聲子日已晏日已晏盤中餽
儘狼籍天將夕天將夕壺中酒剩餘瀝壽彌益壽彌
益寧有極寧有極想籌添海屋永久無息尾聲人生
快樂真難得片時半晌千金值五福一門謝天錫

諸友論文

皂羅袍貴賤窮通有命且齏鹽守分漱水怡情莫辭
辛苦對韓檠管教勲業銘商鼎合丹山鸞鳳應期並
鳴康莊騏驥乘時共騁唐虞之際於斯盛前腔一日
吾身三省望功成豹畧志奮鵬程流行天下仗青萍
回看雲裡栽紅杏合前前腔自喜吾儕多幸會德隆

宋室火冷秦坑萬言擬達九重城、一經輕殺千金餅
合前前腔翰墨名齊草聖喜勢傾三峽陣掃千軍庶
人嘗取作公卿文章儘可要鍾鼎合前

餞別登途

朝元歌山光水光祖道離盃晃花香草香舉子行色
壯和你昔忝同窓今為姻黨正欲通家來往誰料鶚
薦鷹揚臨歧使人愁斷腸我老綠荷裳望君登白玉
堂合要消愁況除是百壺春釀百壺春釀前腔朝野重重
羅網羈縻鴈一行逐散兩鴛鴦月冷蘋江雨深花港
爭似伊慈烏終養形影相忘雙雙母子常在傍還效

鳳翱翔來儀虞舜堂（合前）前腔三疊陽關一唱風牽
酒力狂且挽行裝留連一晌使我心中技養便欲觀
光隨君後塵登廟廊畢竟笑荒唐難升由也堂（合前）
前腔念昔陪趨函丈同遊翰墨場獨係利名韁明日
天涯兩鄉馳想賴有連枝同往策獻天王名題金榜
應顛顛卒地忽思量椿庭萱草堂（合前）

憶鶯兒樵徑長蘂市荒霏霏紅霧桃杏場隱隱綠煙
楊柳庄琴橫錦囊馬牽紫韁春情撩亂行人況（合）意
皇皇回頭翹望何處是家鄉（前腔）穿花巷過柳塘
遊絲裊裊垂地長輕絮紛紛糝徑香朱門粉牆竹籬

草堂見紅泉百道垂青障合前尾聲向斜陽嗟長往
好尋茅店卸行裝風雨今宵對客床

玉堂宴會

梁州序黃扉威振金甌名重日享千鍾厚俸受君多
惠當攄報國精忠務便追踪伊呂接武夔龍無負明
王寵酒盃纔接手且從容只見桃花上臉紅合經濟
策昇平頌向龍墀鳳闕時時諷為柱石作梁棟前腔
玉堂清要銀章珍重更喜華夷一統明良際遇須傾
一寸丹衷務使致君熙皞拯世疲癯萬國來朝貢荷
香清入座好涼風直飲到西山落照紅合前前腔在

玉堂學本童蒙、喜金榜名聯昆仲、念才非王佐、德慚
天縱、但願心傾葵藿、操守松筠、協力為時用、強將新
換酒、謝東翁、話別匆匆、暮景中、（合前）前腔二十年跡
脫夷戎、八千里心歸皇宋、想故園風景、杳然如夢、且
喜位司台鼎、權秉鈞衡、將相元無種、隔牆頻索酒、注荷
筒、管取東隣瓮底空、（合前）節節高座中、有一點紅、飲
千鍾、枯腸酒瀉如泉湧、芳心動、笑語雄歡聲、闌醉來
翻訝繁華夢、綺羅叢裡、笙歌擁、（合）瑤臺絳燭碧紗籠
玉驄、催整黃金鞍、（合）前腔晚來意稍慵、眼朦朧、玉山頽
處、清狂縱、紅雲擁、落日中、奇峰聳、新荷出水、香風送

蕭蕭人影分賓從、（合前）（尾聲）終朝獻納殊繁冗、晏飲
來偷半日功、明早還期拜九重、

兄弟分岐

（甘州歌）黃雲變、聽鼓鼙聲、振動地如雷、風塵迷目、
翹首故山何在、盈頭綠髮、凝作雪、一寸丹心、未是灰、
黃猿嘯、赤鴈哀、秋聲一派、亂離懷、青山路、白石崖、不
知冠蓋幾時迴、（前腔）遙瞻戲馬臺、見遠山如戟、鳥飛
不碍、胡笳羌笛、白日裏、忽起陰霾、途中落日、千點淚、
馬上西風滿面埃、菱波襪、繡鳳鞋、慢藏却與盜為媒、
收金鈿、卸玉釵、莫教途路起人猜、（前腔）離家兩月來、

苦風食水宿出於無奈梯山航海喜有手足相賴身
如斷梗風觸散跡似浮萍浪打開腸如割淚滿腮危
途難道是熟階休長嘆莫亂猜人生自有命安排前
腔前途暮景催恐偶遭強寇偷彈珠淚凝眸遙望茫
茫萬里煙寒窮崖斷磧非沃土廢壘荒原有死骸黃
塵漫白日頽夫妻最苦是天涯原天意賦我才仲尼
原不畏桓魋尾聲鎮沛流離心感慨欲將長劍斬渠
魁浩氣漫漫充九垓

賞菊聞報

惜奴嬌露蕊霜苞愛黃黃白白色逞妖嬈繁華處紅

紫相輝相耀難描秋色千般可見造化安排工巧錦
袍沾惹着十分香却訝御爐煙遠前腔金風吹入東
籬見金錢滿地富有餘饒相看處頻把霞觴傾倒逍
遙蔗境風光也應強似五陵年少時到不必把羯鼓
敲一夜滿籬開了鬪寶蟾登高不必龍山看吾家自
有十洲三島把繁枝茂莖滿簪烏帽笑傲不知身世
老番訝乾坤小樂陶陶須信人生七十五稀非夭前腔
今朝節屆重陽喜無風無雨滿開懷抱着人如鶴瘦
形貌似花還好擾擾人生離多會少况難逢開口笑
進香醪須知寸陰是競尺璧非寶錦衣香酒滿瓢重

傾倒酒興豪歌高調順養天和安貧樂道襟懷洒落
氣貫虹霓浮雲世故豈必勞勞這桑榆暮景好風光能
有多少佳節休虛度及時歡笑須知明日陰晴難料
聚水令想人生如塵樓弱草嘆秋霜易染鬢毛花前
莫惜綠葡萄也何須池酒丘糟清狂縱風落帽孟嘉
覆轍吾重蹈山和水山和水儘供笑傲留餘興留餘
興待明朝尾聲為臣子莫貴忠和孝繼美于今有鳳
毛白壁青蠅何足較

姑嫂相逢

排歌醜婦烹葵山童採芹行厨幾味盤殮樽浮綠蟻

味應醇絕勝田家老瓦盆合官衙冷旅邸貧慚無盛
饌款佳賓情方洽日未醺當盃入手莫辭貧前腔行
幕張筵他鄉會親山殺野簌兼陳相逢萍水且相親
肯惜松花甕底春合前前腔遠道亡夫遯荒滯身真
如涸轍窮鱗天教得遇至親人却把離情仔細論合
瓊漿釀玉饌新繡筵賓從集如雲情懷好意味真樽
前咲語藹春溫前腔女德無慚冤情已伸華堂晏飲
欣欣再烹鱗脯與腥唇急管繁絃不忍聞合前

四喜記

大宋畢姻

錦堂月天結良緣花凝瑞靄佳期正當冰泮歌動迎
仙聲嫋鳳簫鸞管幸藍橋玉杵先投信月書赤繩難
換合鸞盃滿喜花燭良宵洞房春暖前腔欣看射雀
屏寬乘龍褥軟于飛願效雙鴛窈窕河洲不信羨鵲
橋期遠伉儷處可咏桃夭警戒時何妨機斷合前前
腔繾綣合卺情懽同心帶綰難禁喜溢眉端燕爾綢
繆自愧德容踈短鴛鴦附千歲喬枝琴瑟遂百年深
願合前前腔堪觀金盞仙冠霞帔鳳襖華堂翠繞珠
攢香裊金爐繡幌暗風輕捲更須誇蘭玉祥開何必
慮熊羆占緩合前前腔醉翁子仙伴乍邂逅交輸愛款
笑

暮雨陽臺暗成恩眷不玩共舉案齊眉孟耀梁鴻德
兩完相慶處看高燭紅粧漏傳宵半前腔聽勸戀鳳儔
豈為美筭向螢窓研究蠹篇殘卷惟願早離却樊籠
奮翮層霄選羽鶴合前僥僥令絲紅牽玉腕帳果撒
金盤惟願小登科後勤書史及早大登科作狀元前
腔儀容真婉孌閨閨永團圓但願百歲夫妻長相好
比翼共連枝無異般尾聲洞房此夜春光滿看熒熒
燭尖花煖總不如浪喜閑懽

詩禮趨庭

剔銀燈喜兒曹聰明天賦莫把青春虛度潛心靜閑

孫生戶更須學懸頭刺股合詩書端不負儒讀得到方
成丈夫前腔守芸窗勞形典故嘆難留飛鳥馳兔惜
陰肯縱窺園步向三餘加辛添苦合前前腔道多岐
先由心悟耻空言力行當務靈臺莫使纖塵汚希賢
聖光照千古合前前腔論功名雖由成數早難道身
終韋布一朝直上青雲路錦衣還眉揚氣吐合前

瓊英入宮

畫眉籠錦堂春染萬林紅春鳥嚶嚶隔花弄看遊絲
千縷裊裊春空金勒馬春陌交馳玉樓人春盃頻送
春光湧但花下高歌賞春懽哄錦堂觀畫序畫永春

日融融春風冉冉春香遍滿房櫳望裏春山一點髻
螺青擁濯錦愛水暖春塘拾翠喜芳鋪春隴大家莫
惜春筵醉世事短如春夢黃鶯穿皂袍春困釧金鬆
試春衣步檻東春愁暗壓雙眉重春牽意慵春薰臉
濃春枝髻觸搖金鳳娟娟戲蝶春蘭幾葉茫茫歸鴈
春雲幾重桃花爛慢迷春洞皂袍罩黃鶯謾道春憂
無種被春工醞釀生滿胸中傷春倦吐繡窻絨尋春
轉覺芳心動對春風春園暢飲和氣盎春容

花亭佳遇

駐雲飛堪賞花朝花滿園林春色饒人惜花容耀花

愛人年少

花

花出畫牆高，賣花聲叫。聊整花鈿，拾翠

花間道。香逐花衫，幾陣飄香。逐花衫，幾陣飄香。前腔燕

語花稍，花底黃鸝聲更嬌。蜂引花顏笑，蝶蹴花心倒。

花

花覆苑東橋，花溪晴照。紫幔花亭，人擁花驄到。風

煖花村酒，旆招風煖。花村酒旆招，前腔花舫輕搖。一

曲花歌百闕，消花簇銀臺巧。花映金樽好。花花下舞

纖腰，花香縹緲。花徑塵芳淺，印花鞋小。斜插花枝，髮欲

燒斜插花枝，髮欲燒。前腔花檻紅雕，花倚嬋娟畫。怎

描花外遊絲，嬾花際輕煙繞。花花事正妖嬈，看花須

早。轉眼花殘，花貌隨春老。鎮日尋花莫憚勞。鎮日尋

花莫憚勞

園林好看殘紅流出小溪聽柳外笙歌鼎沸攘攘遊
蜂蝶戲紅紫樹映羅衣俊多嬌何處姬俊多嬌何處
姬前腔紛雜地豈免怛怛窄徑裏相逢怎避只索將
小扇輕羅遮蔽顧盼處自猜疑却原來是錦花叢雙
艷姊皂羅袍堪愛月眉雲髻儘亭亭嫋嫋整整齊齊
溫香軟玉世應稀柔枝嫩葉誰能比纖腰柳舞翠裙
影低嬌喉鶯轉陽春調低謾誇西子多嬌麗江兒水
邂逅花前飲忙成月下期傳盃未了先留意歡喜冤
家添歡喜如魚得水猶難擬謾說如兄如弟風宿綠

深相會那拘千里（皂羅袍）最喜劉郎風味況身呈文
彩口吐珠璣登雲會上廣寒梯攀龍定陟承明地輝
輝靈鳳儀容闢奇煌煌雲錦文章耀奇除非是題橋
司馬才堪儷（川撥棹）好一似薛瑤英輕豔體不由人
羨風情一霎起又何須待月西廂又何須待月西廂
玉樹交鸞一任棲醉青樓計不非好良宵樂正宜嘉
慶子一刻千金應不抵鳳幃中恩重情迷覩着他千
般旖旎撇却韋編甘不理便是鐵樣人心也要移石
樣人心魂暗飛（尾聲）煙花幸托青雲器願作百年深
計只恐飛騰嘆別離

風月青樓

排歌麗曲瑤箏、春纖玉鍾、嫣然一朵芙蓉、紫綃蕩漾、
錦花叢、一種天香、度暗風、眉分翠、臉暈紅、咲深微汗、
濕酥胸、輕盈態、窈窕容、恍疑仙子下瑤空、前腔鳳臂
輕翻雲鬟半鬆、紗厨月色朦朧、有緣千里喜相逢、春
滿陽臺、一夢中、歡初合、話未終、惱情偏是五更鐘、交
恩厚、設誓重、天長地久此心同、前腔柳暗雕闌、花明
綺櫳、嬋娟共闌、纖濃玉階低露、鳳鞋弓、妙舞霓裳小
院東、環鈎玉帶、綰絨時、呼歌扇、撲遊蜂、心非蕩、性更
聰、秋波回處、惹情濃、前腔賈女香芬、崔娘韻工、玉嬌

獨抱奇衷綠珠金谷夜溶溶洛浦神妃露淺踪脂輕
抹粉薄籠梅粧不減壽陽宮波沉鯉漢落鴻當爐空
羨卓臨卣

桂枝香鴛盟空訂鸞期難定生成陌路姻緣養就煙
花心性況青樓望卑況青樓望卑良家誰聘謔辭休
聽細論評不如風月生涯好只怕從良福分輕前腔
佳緣堪慶多才可敬一存一種真誠事有十分僥倖
記殷勤誓言記殷勤誓言教我脫逃陷穽超離邪境
喜難勝定歸金屋偕婚媾不向平康管送迎大廷鼓
伊家見不明金籠怎養野鷺山鶯空房猿鎖心猶競

韓詩類選卷九
二
視中景復亂宣平要嫁韋臯直待再生前腔何須抵
死爭錦營花陣斷不留情雲蹤早散陽臺境喬妝甘
謝效釵荆休論王魁不娶桂英

竹橋渡蟻

鎖南枝 一雨霽萬象奇山青水明如画裏拋卷覓新
詩窺園適幽意苔紫短屐緩移碧霞臺少人至前腔
叢竹畔曲檻西驚看溜渠浮亂蟻失穴已無依隨流
竟何止心不忍計何施手援之豈能濟前腔編竹第
架水涯慈渡一成爭渡起觸物動天機從權豈兒戲
南柯郡事已非覓檀羅亦無地前腔豈非少蟻最多

君臣凜然明大禮，遭溺已頻危。全生實堪喜，大塊內
道不私物，皆春此心慰。

椿庭慶壽

賞宮花，欣逢壽朋。感殷勤，祝壽情。壽鹿銜花至，壽鶴
向人鳴。合喜逢壽域，樂昇平。滿斟壽酒，祝遐齡。
前腔
詳觀壽徵，烟雙瞳。壽眼清，壽貌多浮垢。兩耳壽毫生。
合前
前腔
淡淡壽星，壽筵前。分外明，人世難逢壽。五
福壽先稱。合前
前腔
重斟壽觥，紫金盤。壽菓盈，壽燭
留長耀。滿眼壽香騰。合前

赴試秋闈

金衣公子獨坐悶無聊、淚紛紛、濕素袍、冤家鎮日縈
懷抱、人如薛濤、情如玉蕭、真誠怎比閑花草、好心焦、
朱絃已斷、無計續鸞膠、前腔雲散楚峰高、望陽臺、萬
里遙、臨風不覺心如搗、綢繆幾宵、追隨幾朝、情深豈
料分離早、合前琥珀猶兒墜、星前月下、罰願幾多遭、
一旦風波沒下梢、從今空有夢來邀、合相拋縱地老、
天荒此恨難消、前腔宿冤前業、今世料難逃、準擬來
生結鳳交、想應曾把斷香燒、合前解三醒、再不見高
髻新粧宮樣巧、再不見芍藥亭前笑語嬌、再不見六
么細舞紅翻雙袖巧、再不見玉笋銀華倚醉調、再不

見咲奪香囊流汗滿，再不見半揭流酥歌扇搖。（合）傷懷抱恨蒼天何苦，斷我鸞交前腔。我為他罷寢紗厨，愁到曉我為他懶付華筵，飲玉醪。我為他焚香暗辰，幾被傍人咲我，我為他兩鬢添絲，瘦沈腰。我為他雙鴛畫上詩難就，我為他連理枝頭魂暗消。（合）前

香柳娘走西風，疋馬走西風，疋馬夕陽西下，寒鴉古木飛歸絕。且停鞭問也，且停鞭問也，煙暝酒旗斜，行踪何處歇。宿荒村旅舍，宿荒村旅舍，四壁蛩鳴，寒燈半滅。（前腔）聽窻敲敗葉，聽窻敲敗葉，離心如割，夢魂驚斷簷前鐵。我壯懷激烈，我壯懷激烈，直上廣寒闕，高將桂

枝折漸更籌數徹漸更籌數徹起點行裝忙隨去轍

月桂同攀

玉胞肚博文約禮美天姿一聞十知心中樂不改筆
瓢猛為仁功深克己仰鑽瞻忽見何奇禮樂為邦萬
古依前腔事親養志孝名兒乾坤永垂一日裡三省
吾身論為仁識先弘毅道傳一貫唯無違忠恕諄諄
解衆疑前腔知幾為已致中和位育可期蚤須是三
近加功因此上九經敷治無聲無臭德淵微魚躍鳶
飛問化機前腔知言養氣淑諸人願學仲尼怪當年
戰伐縱橫把王道魏齊交說岩岩氣象太山齊性善

初開百世迷

鄉薦榮懽

好事近一戰勝羣賢，獨占鰲頭高選。金鞍白馬，人人擁道爭看，燈窗幾年喜。今朝得遂男兒願，多因是累代陰功。天贈我一門榮顯。前腔滔滔文思湧如泉，更兼學有淵源。風簷暑暑，暑縱橫禮樂，三身遊廣寒。感嫦娥親把金盃勸。等閑間丹桂高攀。又還期首登金殿。前腔爭誇平步上青天。同胞又喜同年。荷衣掛體，何如彩袖翩翩。書香已傳與燕山，並列靈椿傳。分明是平地雙仙。儘贏得舉家懽忭。前腔須知麟鳳產中原，扶

搖萬里鵬搏奎光千丈熒熒直透白垣歡開玳筵沸
笙歌不忝瑤池宴看連翩車馬盈門總不比舊時庭
院

親憶瓊英

新水令小窗低坐悶無言掌中珠幾時能見憶分離
花正鮮到如今雪飛亂光景頻遷光景頻遷不由人
不傷感步步嬌鶴望溪橋尋梅玩萬玉枝頭綻芳姿
雪襯妍瘦影清香牽引遊情遠踏雪暮歸來正紅爐
煖閣開佳宴折桂令滿長安柳絮風顛密洒歌樓沾
濕茶煙偷閑過三友亭前喜寒鶯一段香傳飲羊羔

金帳嬋娟費吟哦惹動逋仙地白風寒休要觸物思
人總不如醉倒芳筵江兒水謾說道觀梅屐釣雪船
他胸中不染分離怨我經年不覩嬌兒面幾回望斷
昭陽殿杳杳雀釵桂襪垂老何依白首蕭條庭院鴈
兒落我為你痛心腸常掛牽我為你惡懷抱難消遣
我為你夢殘更接舊容我為你逢好景添長嘆我為
你厭吃了玳瑁味我為你晨夕裡枉熬煎我為你害
得龐兒瘦我為你流淚眼幾曾乾天好與人行方便
若得天也麼憐放回歸拜謝天（僥僥令）骨肉東西意
慘然知甚日再團圓莫道寒江深千丈比我意中悲

尤自淺意中悲尤自淺收江南呀早知道這般隔絕
呵到不如嫁民間三朝半月見何難往來會聚定多
番說甚麼榮諧帝嬪端的是佳人薄命斷親緣園林
好只愁他長門憤冤又愁他柔軀病纏種種思量都
遍杳沒箇信音傳杳沒箇信音傳沽美酒芙蓉臺熊
夢軒牙爲簾臂供眠翠繞珠圍錦繡聯鎮日醉百花
筵吹玉笛奏冰絃鳳凰樓通宵懽懽六宮中人人爭
羨我呵眼見他愛專寵專賽仙呀且開懷把玉觴頻
勸清江引梅開雪飛梅又滿世事休閑管風裁雪片奇
春透梅花煖把香醪急醺來休得緩

瓊英閨悶

六犯清音長門春靜，昭陽天杳，愁見玉林晴曉。萬紫千紅，教人怎不心焦。眼望羊車過，空傳鳳吹調拋珠淚。濕鮫鮓，鏤金香帶，褪纖腰。怎如得黃鸝對語，絲條上，怎如得粉蝶雙栖。錦樹梢，鸞翹慵整，蛾眉倦描。羞顏却惹桃花笑，悶無聊。聲調鸚鵡，誤聽是宣朝。前腔景當涼細，芙蓉香杳，簾展琅玕青小。齊紈風動，藍煙寶篆輕飄。寂寞悲長晝，炎蒸恨獨宵。情難遣，景自饒。驪珠藥滿綻葡萄，幾時得水晶簾畔聽金縷。幾時得玳瑁筵前賜玉醪。孤辰應犯愁煩，怎逃五星不遇紅

鸞照六龍遙薰風殿閣長日五絃操前腔金飈輕透
銀蟾光皎玉宇纖塵疑掃天街涼夜令人不覺魂消
獨坐看牛女含嬌渡鵲橋人還隔意轉寥謾隨玉女學
吹簫怕聽着嘹嘹隻鴈雲邊唳怕說着兩兩文鴛沼
內交黃花初綻碧梧漸凋御溝流葉空難到最難熬
瀟瀟疎雨隔夜嚮芭蕉前腔彤雲低罩嚴天施巧六
出紛飛林杪玉梅香吐閑看轉覺情搖夢短歎孤枕
憂多問六爻冰衾重玉漏迢叮嚀鐵馬開風歎誰憐
我心寒不覺薰籠煖誰憐我院冷空將獸炭燒冤深
撮合佳期望勞從來不拜承恩詔幸難僥新粧飛燕

何處逞妖嬈，尾聲芳姿一入幽宮悄。四景盡傷懷抱，
唱斷清音天聽高。

怡情旅邸

甘州歌 青雲萬里，信英雄足下，自有楷梯。春闈催赴，
早登程逐伴奔馳。飛黃遠道家何在，垂白高堂夢不
違。畱名利，嘆別離，韶華空滿。楚江湄，經風卧帶，月炊
何時醉賦杏園詩。前腔 寒窗十載餘，論男兒壯志，豈
肯卑栖門閭。須換幸文章際遇，昌期題名共列黃金
榜。獻策同登白玉墀。蛟髯奮鳳翅，齊桃花春浪錦鱗
飛。龍為馬，錦作衣。六街爭看狀元歸。前腔 融和日正

遲見園林多少紫艷紅奇春光如海颺晴空落絮遊
絲煙中画艦衝蘭渚花外流鶯喚竹枝山連水路遠
溪馬蹄香印落花泥沙村杳野店稀輕風斜捲酒家
旗前腔長亭傍水西見鞦韆紅粉笑語聲低遊人如
蟻轉朱輪驀過香堤陽春不散窮途恨麗景翻牽故
國思魂將斷心更悲惱人杜宇隔花啼催征旆瞻帝
畿五雲深處鳳樓迷尾聲行勞倦日暝時停鞭沽酒
不須疑共醉前村燈下迷

紅樓遺思

黃鶯兒

粧鏡曉慵開捲珠簾燕子來
冤家去後知何

在高車未迴，風流願乖，孤眠羞把鴛衾蓋。
合想多才，雙流粉淚，頓覺減香腮。
前腔對景越傷懷，竝頭花空，滿臺今番受盡相思害。
歎斷寶釵，誰憐病骸，告蒼天只願相逢再。
合前六么令，記憶多嬌佳期枉猜，知他甚日歸來。
前春共賞海棠開，忽見花衰，依舊教我愁滿懷。
合好景難捱，好景難捱，踏遍花前綠苔。
前腔憂來怎捱，玉醪空泛鸞盃，可憐心焰已成灰。
怎得蒼天默佑，使我情永諧。
合前

雙桂聯芳

畫眉序天馬步瀛洲，恩賜黃封杏花酒。
喜難兄難弟，

竝占鰲頭覽平策雖可祁前論鴈序何當郊後合自
今莫負登庸寵赤心共扶元首前腔龍袞受雙球儀
鳳祥麟在廷藪喜風雲際會懋着嘉猷金闕靜西顧
憂紆玉堂閑東封書就合前前腔清世足文儔萬丈
奎光燭台斗喜皇家密網一旦都收四海慶雙桂聯
芳千載羨三元擢秀合前前腔華宴列奇饌翠釜馳
峯世罕有喜名榮燒尾綾餅紅綢冠蓋擁柳障青圓
絃管應鸞簧春奏合前撲燈蛾金樽頻勸醉金樽頻
勸醉歸馬天街驟轉過垂楊路不覺多陽時候也感深
厚待賢禮數遇成周今朝不負十年窻下黃卷苦埋

頭尾聲 一朝奏表還擒就醉夢後遙聽鍾漏齊具衣冠拜冕旒

遐憶青娃

二犯傍妝臺終日自嗟呀玉人庭院何事隔天涯聽啼鳥腸欲斷對明月恨愈加記得鴛幃私語切好處成愁只為他合又逢春盡蕙蘭吐花幾時得見俏冤家前腔空思那日醉流霞一從別後忘却飮和茶禁不得身如病止不住淚如麻豈料相思成瘦損追悔當初設誓差合前

晉天樂 爭誇一咲千金價花容嬌麗還消灑美名兒

不枉青霞分明是閨苑仙娃側耳聽歌音雅似好鳥
調聲芳叢下舞霓裳風捲輕紗可意處難描難畫恨悠
悠楚館怎當繫掛

堅持白採

步步嬌一別仙郎心無主泪眼拋紅雨綠雲懶去梳
薦地焚香慢把金刀舉剪付俏相如寄與愁千縷集
賢賓宮牆舊樣難再覩香盤翠綰都虛一任蓬鬆如
亂無嘆昔日鸞篋何所心中自苦割不斷相思情緒
知幾許還更比髮莖難數江兒水記得香消后燭滅
餘鴛鴦枕上情交出好事從來多間阻風流枉自思

前度誓不從人懽聚結髮相隨怎比荆釵淑女香柳
娘把胸酥暗撫把胸酥暗撫白頭空賦雲翹冷落睂
羞嫵掩菱花自語掩菱花自語膏沐為誰踈飛蓬豈
須顧恨佳期已誤恨佳期已誤同穴盟言君須記取
尾聲花前月下添淒楚恨不能身生翼羽飛到瑤臺
諧鳳侶

佳音遠播

石榴花文場高選膝下慶雙賢詞勝景筆如椽英雄
誰比綠衣仙騁春風寶馬長安只憂讓祖鞭取靈竈
卜筮還多遍定應是虎榜高標怎不見鴈錦遙傳前

腔画眉人遠無奈意懸懸香篆冷瑣窗寒綢繆空想
別時言眇天涯玉筯闌干何時得錦旋恐蒼天不遂
心中願且殷勤甘旨躬調望輝光冠帔恩宣不是路
涉盡雲山早到雍丘下錦箋忙相見春風得意聽臚
傳宋祁前宋郊第二俱優選榜上分明豈誤看天從
願聯芳雙桂真堪羨不勝懽懽不勝懽懽前腔月轡
霜鞍千里馳驅足馬寒心如箭泥金報喜敢遲延宋郊
前宋祁第十俱優選榜上分明豈誤看休相騙兩辭
不合如何辨轉令心亂轉令心亂掉角兒榜初懸第
爲狀元兄竝列亦登高選第先兄倫理非宜因此上

把名更變二難名、俱首占、兩人言、暫不謬、合賞金錢、合
宮花帽偏、春風杏苑第、和兄躍馬、雙雙勝似登仙、前
腔喜孜孜、焚香謝天、笑盈、滿門懽忭、換門閭、榮親顯妻
佇看他、達能兼善、際明時、逢聖主、顯嘉猷、成懋烈、旦
爽齊肩、合前尾聲喜今朝、佳音轉、玉堂金馬兩神仙、
會看黃金腰上懸、

盛景遨遊

素帶兒穿芳徑、楊柳風吹素帶輕、雕欄畔、一簇海棠
嬌逞、相應雙小鶯、向何處飛來、枝上鳴聲、堪聽我愛
他、喈喈、嚦嚦、睨睨、嚶嚶、昇平樂、多情二八娉婷、自春

來愁隨芳草叢生香寒絨吐繡窻幾度停針熒熒臂
痕長帶守宮明鎮日裡枉思思幸自傷薄命尋花恨
重折柳憂增素帶兒山青日正晴無邊麗景鞦韆吟
忽將好夢兒驚醒行行渡錦屏遙見翩跹雙蝶迴添
遊興是何人低吹玉管暢飲銀觥昇平樂還驚殘絮
飛零問東君為何便整歸旌流光似箭誰有繫日長
繩清清一春空過喜難成盧扁藥怎消憂病不堪孤
另龍輿目斷鳳輦魂縈禁御林經筵散禁苑行驀相
逢內輦經幾回欲避無岐徑奉乾宮亦合輪恭敬急
趨迎鞠躬待罪臣無任戰兢兢前腔宮袍綠玉貌清

逞風流、一俊英、綠何默默、唇絨定、料他心、欲應知難
應、謾惡停、東風回首、無情惱多情、

懶畫眉、朝回紫禁步、東風馥郁香生、萬錦叢仙娥羣
輦偶相逢、一聲小宋、低低喚、惱亂春心不自容、前腔
遙瞻玉臉綻芙蓉、高髻雲鬟粉黛濃、妖嬈端的冠椒
宮、總然欲染高唐夢、隔斷巫山十二峯、

洞房佳配

憶奴嬌、花燭紅搖、感君恩似海、特賜鸞交、牽紅處、自
慶福緣非小、懽咲春滿房櫳、雙雙杯勸、風光正好、今
宵一似、俏雲英、會合玉京瑤島、關寶蟾、春朝玩賞、莎

郊偶香堤邂逅、一聲輕叫、奈風傳中禁、頓生煩惱、誰
料、赤繩曾繫定、紅葉不須勞、美才高、一曲鷓鴣新唱、
勝求月老、錦衣香寶篆香、銀屏皎、繡幌翻、金釵巧、急
管煩絃、珠圍翠繞、團花宮襖、映宮袍、內家舊樣、鳳髻
鸞翹、嘆長門靜悄、再經春鑒與不到、自分今生裡、孤
眠盡老、不期禍變、番成佳兆、聚水令、喜孜孜鸞顛鳳
倒、美津津露濕花嬌、猩紅一點、染鮫鮪、唉、陽臺雨散
雲消、心交愛情真妙、流酥帳、護人年少、譙樓上、譙樓
上、漏催天曉、同獻表、同獻表、拜謝天朝、尾聲、謝天朝
齊祝禱、御體茂膺天保、慶衍齡斯聖壽高、

翠闥耽思

十段錦

綉帶兒

春歸後、雲鬟倦理，仙郎杳無歸期。總

不怜憔悴紅顏也，難忍冷落班衣。

宜春令

病體困沉

沉鎮日如痴，豈學人雨尤雲，嬌禁不得，沒情沒緒，曲

闌頻倚。

降黃龍

記當時送別臨期，執手叮嚀，把糟糠

休棄，相拋萬里，想合受淒涼，是我運蹇時低。

醉太平

淋漓幾番雙泪暗偷垂，怎知我這般滋味，總然帶黃

衣紫，到不如厮守少年鴛幃。

浣溪沙

風弄竹，月在機

誰共泛紫霞金卮，連宵飛夢到天涯，城樓画角吹覺

起。

木兒

觸景添悲，無人處花綻鳥啼，芙蓉絳簇波

心綺幽心暗秀紗窗裡，離繡床羅襪臨池花怎比。
老催寂寥自知，林鶯懶板連理枝，鶯箋謾寫離恨詩。
思懽聚枉設策空施計，怎得蕭郎心轉意回。
上小樓咱這裡形孤心碎，他懽生錦繡圍翠樓，又恐戀嬌姿。
欲待迴文織錦，怎織得幾許相思。
雙聲子雲鴻至，江
鱗逝，怎不把音書寄。
鷓鴣序金錢問全無些靈意，又
怎憑燈鵲窺戶，諸般可疑望錦衣歸春，未審何時尾
聲。
深情免使傷人議，嗟我懷人天際專一須看卷耳
書。

夢遊僊子

雲華怨小窗更靜、滿絳襟、都淚痕。玉人何在、無由近、連宵落得夢頻。任長溪、日夜滔滔、流不盡、萬愁千恨。
前腔佳期天靳、總親多、難與親。九霄更絕飛鴻信、悔前不合認真、恨陽臺雲雨茫茫、空坐看、落盡燈燼。羅江怨、慙慙病一春、難逢可人、淚紅遍、染羅袖、痕金樽、不解兩眉顰也。紅拂宵征、膽怯金蓮緊、紗厨鳳枕新、和你今夜懽娛準、你為何困騰騰、晝不寢、悶慙慙宵廢眠、轉流鶯、為何聽了番成嘆、為何見了轉淚漣、我和你伉儷情、天地遠、合懽意、鸞鳳聯、你為何不肯全拋心上言、前腔少年心、風絮顛、偶遇着、絕世姿、煙花

賤急煎煎許結了同衾願美孜孜成就了共枕懽怎
知道風波猛拆了冤家散到如今害相思離恨天怎
能穀花再發芳菲月再圓江頭金桂可咲你情踈意
淺既相投忍棄捐試問嬌娃何在幾載不見娶將來
愁不便但願處事周全立心和善只怕倩風情不改
花性仍堅復落倡狂話傳况佳人易得况佳人易得
何須專戀莫遲延不妨鳳閣諧重侶管取鸞膠續斷
絃前腔自愧當年乖舛感伊家特見憐若得相容重
取美意不變你賢聲傳播遠與他話別秦樓歲華遷
換好似銀瓶墜井斷梗何援重重悶懷難自遣若魚

沉鴈杳、尋踪空遍、意常牽、長條定折他人手、麗曲知
調若箇筵、

賞月重逢

（一江風）月圓時、萬里清光滿、誰在瓊樓醉、冷清清翠減
紅消、受盡淒涼味、玉露滴高枝、玉露滴高枝、金風透
薄衣、風和露都做了愁人淚、（月兒高）粧懶鬆雲髻、愁
多瘦香臂、可怪清秋月、偏照孤幃內、絃斷樽空、難禁
這憔悴、何時定結、定結鴛鴦對、想他燕爾新婚、不思
舊人意、喜燈盞十分奇、偶然槌碎青樓、葵明香、謝天
地、

梁州序 閑雲飛盡、清蟾光滿。玉笛風聲遠。知音相遇，
何妨此夜遲眠。忽見殘螢點袖，獨鶴停階，庭院天香
遍。興來翹首處，更嬋娟。一曲霓裳酒亂傳。合愁頓解，涼
消汗。恍疑身在清虛殿。塵世裡，幾華筵。前腔斜拖絲
綰，輕搖紈扇。何處玉樓仙眷。湘簾高捲，遙看寶鑑空
懸。暗想當年奇遇，美景依然。眼底人俱換。水晶幽閣
裡，象床閑。欲把幽懷寄素絃。合前前腔碧澄澄，水浸
闌干。翠鬼鬼，梧桐影轉。更金風細細，暗推懽面。莫教
漏催銀箭，香冷金猊。且自耽佳晏。清光應便減。豈長
圓。酩酊須教似謫仙。合前前腔畫堂深處，鼉鼓音闌。碧

空遙紫簫聲婉怪叮噉何處搗衣砧亂謾道光陰易
度勲業難期終遂男兒願玉壺傾盡後意無邊欲駕
蘭橈弄碧蓮合前節節高嫦娥永獨眠可人憐爭如
牛女年年見銀河淺烏鵲翻蒼山遠瀼瀼玉露荷盤
綵鴛夢裡驚相換合更取瓊漿共酣歌清涼世界更
長戀前腔冰輪越皎然正中天懽娛不覺宵光半綸
巾坼締袖偏棕鞋便婆娑醉舞人爭羨東方只恐陽
烏換合前尾聲月團圓人康健酒盃莫放此時乾明
夜還應結醉緣

玉山頽從伊別後罷濃粧慵登翠樓鎮日裡珠淚交

流恨茫茫幾能成就、天長地久、一點丹心依舊。
合感謝恩深厚、萬倍難酬、願名姓、覆金甌。
前腔為伊消瘦、對鶯花無時不愁、幸今朝續配鸞儔。
海誓山盟、如何能負、懽容咲口、喜過初逢時候。
合前**玉交枝**相逢不偶、愛卿卿言和義柔、從今一洗煙花垢。
兩情更喜綢繆、離鸞別鳳、應解憂、雲卿雨徑、休回首。
合把從前風月盡勾、早斷絕鸞儔燕友。
前腔清規願守、侍蘭房、抱衾與綢、調脂弄粉、誰還又。
玉筍檀板都收、良緣已遂、君子述、長條免折他人手。
合前**尾聲**重鸞臺鳳人間有、這和氣春風難穀、方信仙郎福分優。

帝闕辭榮

摧拍感天恩榮登廟廊一心望銘功鼎常嘆世事難
量世事難量貝錦青蠅讒口交張腰劒心刀直性難
防合明日裡共奏君王辭印綬返柴桑前腔誰不願
衣紫腰黃還須慮同胞中傷况白髮高堂白髮高堂
寂寞晨昏菽水誰將步姑空思怎解愁腸合前賺德
重圭璋屯勉從王分所當從人謫豈應解組便還鄉
細端詳青春未合投煙莽聖主恩深意怎忘情非強
此行定得親終養免罹讒網免罹讒網前腔聽說心
忙解翠收珠促去裝晨鍾響急趨金闕上封章事難

量重瞳眷注那輕放濟世良才惜早藏休狂想玉堂
金馬人欽仰此生不枉此生不枉（長拍）露冷蘋江風
銛鷁舫望楚天浩然長往亂飛木葉一片片醉染青
霜孤鷺逐雲翔更斷鴻嘹唳處盡成惆悵回首楓塵
空自戀何日鳴珂夜未央只恐人吟侈萬千狀且自
慶高堂春不老畫錦歸雙（短拍）渺渺銀帆滔滔玉浪
暮秋天滿眼淒涼何處是家鄉貯盡愁雲慘霧還隔
斷萬峯千嶂日晚行行且止聊繫纜古驛殘陽尾聲
楓林外江山一望數聲殘角送昏黃歸夢應隨歸路
長

他卿遇故

念奴嬌序彤雲萬里見天花攪亂渾如柳絮飄零四
顧遙村盡處是玉樹瓊樓相映那更斷澗銀填長橋
壁跨四時爭見此佳景合須備取肥羔美酒同醉閒
庭前腔千頃寒江正冷見漁翁獨釣玉笠銀簑孤艇
萬徑千山何處有飛鳥行人踪影還應山意衝寒梅
花將放謾勞逋叟動吟情合前前腔明瑩色奪瑤屏
光搖銀海案頭何用讀書燈風味美最是細擘龍團
來烹偏稱翠閣嬋娟銷金帳裡淺斟低唱笑盈盈合
前前腔堪慶三白呈祥萬象稱瑞笑占南畝絕蝗螟

融液處疑是玉馬東瀛愁聽黃竹哀歌來思悲咏陽
春誰和郢中聲合前古輪臺玉龍爭殘鱗敗甲散滄
溟青山老盡銀尖竝園林絕勝看翠竹蒼松翻做三
春梨杏鶴舞鸞翔隨風未定見飢鳥凍雀繞簷楹低
飛不競亂紛紛斜撲窻櫺乾桑蚕食平沙蟹走細聲
堪聽六出巧誰能銀河淨馮夷剪練技偏精前腔閑
評蕭蕭沙漠嘆蘇卿相室有萬乘來臨恩光忒盛匹
馬藍關撲足銀盃難聘也有策蹇騷人灞橋獨詠也
有朱門謁遍甌生冰遭時不幸山陰孤棹興堪乘梁
園遊賦何如僵卧茅齋寂靜夜半破吳城鷺池溟更

誇百戰不恃兵尾聲東風轉麗日升料此際寒容消
盡只恐飛來鬢上生